

სახელმწიფო შესყიდვის შესახებ № 72
ხელშეკრულება

ქ. ბათუმი

7 აგვისტო 2017 წ.

ერთის მხრივ აჭარის ა.რ. მთავრობის აპარატი (შემდგომში - შემსყიდველი), წარმოდგენილი აპარატის უფროსის გოჩა ჯაშის სახით, და მეორეს მხრივ ინდ. მეწარმე ნესტან შერვაშიძის სახით ვდებთ წინამდებარე ხელშეკრულებას (შემდგომში - ხელშეკრულება), რომელშიც განსაზღვრულია მხარეთა უფლებები და ვალდებულებები.

1. ხელშეკრულების საგანი:

- 1.1 წინამდებარე ხელშეკრულების საფუძველზე მიმწოდებელი თანახმაა განახორციელოს ყვავილების თაიგულების დამზადება-მოწოდება (CPV03121210- ყვავილების თაიგულები), შემდგომში - „მომსახურება“, ხოლო შემსყიდველი კისრულობს ვალდებულებებს გადაიხადოს მისი ღირებულება ხელშეკრულებით დადგენილი წესით.
- 1.2 მიმწოდებელი აწვდის, ხოლო შემსყიდველი ღებულობს შესაბამის მომსახურებას და ახდენს მისი ღირებულების ანაზღაურებას წინამდებარე ხელშეკრულების 2.3 პუნქტის შესაბამისად.
- 1.3 წინამდებარე ხელშეკრულება არეგულირებს ურთიერთობებს, რომელიც წარმოიშობა მხარეთა შორის.

2. საქონლის ღირებულება და ანგარიშსწორების წესი

- 2.1 ხელშეკრულების საერთო ღირებულება შეადგენს 500 (ხუთასი) ლარს.
- 2.2 ხელშეკრულების ღირებულებაში შედის საქართველოს კანონმდებლობით გათვალისწინებული ყველა გადასახადი, რომელთა გადახდაზე პასუხისმგებელია მიმწოდებელი.
- 2.3 ანგარიშსწორება მიმწოდებელთან განხორციელდება ეტაპობრივად სასაქონლო ზედნადებისა და დღგ-ს ანგარიშ-ფაქტურის წარმოდგენის შემდეგ არაუმეტეს 10 (ათი) სამუშაო დღის განმავლობაში.
- 2.4 ანგარიშსწორება განხორციელდება მიმწოდებლის საბანკო რეკვიზიტებზე უნაღლო ანგარისსწორების გზით.

3. გამოყენებული ტერმინების განმარტებები:

- 3.1 ხელშეკრულებაში ტერმინებს აქვთ შემდეგი მნიშვნელობა:
 - ა) „ხელშეკრულება სახელმწიფო შესყიდვის შესახებ“ (შემდგომში - „ხელშეკრულება“) შემსყიდველ ორგანიზაციასა და პრეტენდენტს შორის დადებულ ხელშეკრულება, რომელიც ხელმოწერილია მხარეთა მიერ, მასზე თანდართული ყველა დოკუმენტით და დამატებით და ასევე მთელი დოკუმენტაციით, რომლებზეც ხელშეკრულებაში არის მინიშნებები;
 - ბ) „ხელშეკრულების ღირებულება“ ნიშნავს საერთო თანხას, რომელიც უნდა გადაიხადოს შემსყიდველმა ორგანიზაციამ მიმწოდებლის მიერ ხელშეკრულებით ნაკისრი ვალდებულებების სრული და ზედმიწევნით შესრულებისათვის;

- გ) „შემსყიდველი ორგანიზაცია“ (შემდგომში – „შემსყიდველი“) ნიშნავს ორგანიზაციას (დაწესებულებას), რომელიც ახორციელებს შესყიდვას;
- დ) „მიმწოდებელი“ ნიშნავს პირს რომელიც ახორციელებს საქონლის მოწოდებას სახელმწიფო შესყიდვის შესახებ მოცემული ხელშეკრულების ფარგლებში;
- ე) „დღე“, „კვირა“, „თვე“ ნიშნავს კალენდარულ დღეს, კვირას, თვეს.

4. ხელშეკრულების ინსპექტირების კონტროლი

- 4.1. შემსყიდველი მისი წარმომადგენლის მეშვეობით ახდენს ხელშეკრულების შესრულების კონტროლს, წინამდებარე ხელშეკრულების შესაბამისად კონტროლს განახორციელებს აჭარის ა.რ. მთავრობის აპარატის შესაბამისი უფლებამოსილი პირი.
- 4.2. მიმწოდებლის მიერ კონტროლი (ინსპექტირება) ხორციელდება სისტემატიურად შემსყიდველის შეხედულებისამებრ.
- 4.4. მიმწოდებელი ვალდებულია საკუთარი ხარჯით უზრუნველყოს ინსპექტირების შედეგად გამოვლენილი ყველა დეფექტის ან ნაკლის აღმოფხვრა.

5. შესყიდვის ობიექტის მიღება-ჩაბარების წესი

- 5.1. შემსყიდველმა უნდა შეამოწმოს მიღებული მომსახურება ხელშეკრულების პირობებთან მიმართებაში.
- 5.2. თუ შესყიდვის ობიექტი არ შეესაბამება ხელშეკრულების პირობებს, შემსყიდველი მიმწოდებელთან ერთად ან მის გარეშე ადგენს აქტს დადგენილი წესის შესაბამისად.
- 5.3. შესყიდვის ობიექტი ჩაითვლება მიღებულად სასაქონლო ზედნადებისა და ანგარიშ-ფაქტურის წარმოდგენის შემდეგ.

6. მხარეთა უფლება-მოვალეობანი

- 6.1 შემსყიდველი და მიმწოდებელი მოქმედებს „სახელმწიფო შესყიდვის შესახებ“ საქართველოს კანონის სრული დაცვით.
- 6.2 შემსყიდველი ვალდებულია:
 - ა) მიმწოდებელს წინასწარ გააცნოს ყველა იმ გარემოების შესახებ, რომელიც შეიძლება წარმოიშვას ხელშეკრულებით გათვალისწინებული მომსახურების შესრულებისას.
 - ბ) შესაბამისი საქონლის მიღებიდან არაუმეტეს 10 (ათი) სამუშაო დღის განმავლობაში მოახდინოს ხელშეკრულების 2.3 პუნქტის შესაბამისად, მიმწოდებელთან ანგარიშსწორება.
 - გ) ხელი შეუწყოს მიმწოდებელს ხელშეკრულებით გათვალისწინებული ვალდებულებების და პირობების შესრულებაში.
- 6.3 შემსყიდველს უფლება აქვს:
 - ა) განახორციელოს კონტროლი და ზედამხედველობა მიმწოდებლის მიერ ხელშეკრულების პირობების დაცვაზე.
 - ბ) საქართველოს კანონმდებლობის შესაბამისად შეაჩეროს ან შეწყვიტოს სახელმწიფო შესყიდვის შესახებ დადებული ხელშეკრულების მოქმედება.
- 6.4 მიმწოდებელი ვალდებულია:
 - ა) დაიცვას ხელშეკრულებით გათვალისწინებული ყველა პირობა.
- 6.5 მიმწოდებელს უფლება აქვს:
 - ა) მოსთხოვოს შემსყიდველს მიწოდებული მომსახურების ანაზღაურება, ყოველთვიურად, ხელშეკრულებით გათვალისწინებული პირობების შესაბამისად.
 - ბ) ანგარიშსწორების ვადის დარღვევის შემთხვევაში ან/და პროფილაქტიკური სამუშაოების განხორციელების მიზნით, შემსყიდველს შეუზღუდოს/შეუწყვიტოს საქონლის მიწოდება, რაც

არ ჩაითვლება მიმწოდებლის მიერ ვალდებულებების დარღვევად და შესაბამისად მიმწოდებელს არ დაეკისრება პასუხისმგებლობა.

7. ხელშეკრულების პირობების შესრულებლობა

7.1 ხელშეკრულებით ნაკისრი ვალდებულებების დაგვიანებით შესრულების შემთხვევაში, ყოველ დაგვიანებულ დღისათვის მიმწოდებელს ეკისრება პირგასამტეხლო ხელშეკრულების ფასის 0,2%-ის ოდენობით;

7.2 იმ შემთხვევაში, თუ ვადის გადაცდენისათვის დაკისრებული პირგასამტეხლოს ჯამური თანხა გადააჭარბებს ხელშეკრულების ფასის 2%-ს, შემსყიდველს უფლება აქვს შეწყვიტოს ხელშეკრულება;

7.3 საჯარიმო სანქციების გადახდა არ ათავისუფლებს მიმწოდებელს ძირითადი ვალდებულებების შესრულებისაგან.

8. ხელშეკრულებაში ცვლილებების შეტანა:

8.1. არავითარი გადახრა ან ცვლილება ხელშეკრულების პირობებში არ დაიშვება, ორივე მხარის მიერ ხელმოწერილი წერილობითი შესწორებების გარდა.

8.2. თუ რაიმე წინასწარ გაუთვალისწინებელი მიზეზების გამო წარმოიშობა ხელშეკრულების პირობების შეცვლის აუცილებლობა, ცვლილებების შეტანის ინიციატორი ვალდებულია წერილობით შეატყობინოს მეორე მხარეს შესაბამისი ინფორმაცია.

8.3. ნებისმიერი ცვლილება, რომელსაც მოყვება ხელშეკრულების ფასის გაზრდა ან შემსყიდველისათვის პირობების გაუარესება, დაუშვებელია, გარდა საქართველოს სამოქალაქო კოდექსის 398-ე მუხლით გათვალისწინებული შემთხვევებისა.

8.4. ხელშეკრულების პირობების ნებისმიერი ცვლილება უნდა გაფორმდეს ხელშეკრულების დანართის სახით, რომელიც ჩაითვლება ხელშეკრულების განუყოფელ ნაწილად.

8.5. მხარეს შეუძლია უარი თქვას ვალდებულების შესრულებაზე, თუ მეორე მხარე აშკარად არღვევს წინამდებარე ხელშეკრულებით განსაზღვრულ მოთხოვნებს.

8.6. თუ ხელშეკრულების დადების შემდეგ აღმოჩნდება, რომ არსებობს რეალური საშიშროება იმისა, რომ მხარე არ შეასრულებს თავის ვალდებულებებს ჯეროვნად და კეთილსინდისიერად, მეორე მხარე უფლებამოსილია ვადაზე ადრე მოითხოვოს წინამდებარე ხელშეკრულების შეწყვეტა.

8.7. წინამდებარე ხელშეკრულება ასევე შეიძლება შეწყდეს ვადაზე ადრე მხარეთა შეთანხმების საფუძველზე.

8.8. წინამდებარე ხელშეკრულება ასევე შეიძლება შეწყდეს სამოქალაქო კოდექსით გათვალისწინებულ სხვა შემთხვევებში.

8.9. ამ მუხლის შესაბამისი პუნქტიდან გამომდინარე, ერთ-ერთი მხარის ინიციატივით წინამდებარე ხელშეკრულების ვადაზე ადრე შეწყვეტის განზრახვის თაობაზე, მეორე მხარეს უნდა ეცნობოს წერილობით, შეწყვეტამდე 10 (ათი) სამუშაო დღით ადრე.

9. ხელშეკრულების მოქმედების ვადები და გარანტია დეფექტზე პასუხისმგებლობის პერიოდი

9.1. მომსახურება უნდა განხორციელდეს ხელშეკრულების გაფორმებიდან 2017 წლის 31 დეკემბრის ჩათვლით.

9.2. ხელშეკრულების მოქმედების ვადაა 2018 წლის 31 იანვრის ჩათვლით.

10. დაუძლეველი ძალა (ფორს-მაჟორი) და დაუძლეველი ძალის გარემოება:

10.1. მხარეები თავისუფლდებიან წინამდებარე ხელშეკრულებით გათვალისწინებული ვალდებულებების შეუსრულებლობის ანარაჯეროვანი და ა/ან დაგვიანებით შესრულების გამო პასუხისმგებლობისაგან, თუ ხელშეკრულების შესრულების შეფერხება ან ვალდებულებების შეუსრულებლობა გამოწვეულია დაუძლეველი ძალის გარემოებებით, რაც ასევე არ გამოიწვევს ხელშეკრულების შესრულების გარანტიის დაუბრუნებლობას.

10.2. ამ პუნქტის მიზნებისათვის „დაუძლეველი ძალის გარემოება“ ნიშნავს მხარეთა ნებისა და კონტროლისაგან დამოუკიდებელ გარემოებებს, რომელიც არარის დაკავშირებული მხარეთა შეცდომებსა და დაუდევრობასთან და რომელთა თავიდან აცილებაც შეუძლებელია მიუხედავად მხარეთა გონივრული მცდელობებისა და რომელთაც მიეკუთვნება, მაგრამ არ შემოიფარგლება ამით:

ა) ომი, სამხედრო მოქმედება, რევოლუცია, ბლოკადა, მობილიზაცია, ემბარგო;

ბ) აჯანყება, რევოლუცია, სამხედრო ან უკანონოქმედება ან სამოქალაქო ომი;

გ) ამბოხი ან საბოტაჟი;

დ) საზოგადოების მტრების ან ტერორისტების მოქმედებები;

ე) სტიქიური უბედურებები (ქარიშხლი, ქარბორბალი, წყალდიბობა და სხვა), ეპიდემია, კარანტინი, საბიუჯეტო ასიგნებების მკვეთრი შემცირება

ვ) სხვა გარემოებები, რომლებიც საყოველთაოდ აღიარებულია ფორს-მაჟორულ გარემოებად ან/და რომელიც ასეთად იქნება აღიარებული ხელისუფლების ორგანოების მიერ.

10.3. დაუძლეველი ძალის გარემოების გამო მხარეები პასუხისმგებლობისაგან თავისუფლდებიან მხოლოდ იმ დროთა დამოცულობით, რაც აუცილებელია დაუძლეველი ძალის სიტუაციით გამოწვეული პრობლემების მოგვარებისათვის. დაუძლეველი ძალის გარემოების მოქმედების დროს მხარემ, რომელზეც იმოქმედებს ასეთი გარემოება, რაც შეიძლება სწრაფად უნდა შეატყობინოს მეორე მხარეს ასეთი გარემოების შესახებ და მიაწოდოს ასეთი გარემოების დამამტკიცებელი სათანადო საბუთი და მისი ხანგრძლივობის სავარაუდო ვადა და შედეგები და ორივემ ხარემ უნდა მიიღონ ყველა ზომა იმისათვის, რომ შეამცირონ მეორე მხარისადმი ზარალის ოდენობა, რომელიც გამოწვეულია დაუძლეველი ძალის გარემოებით;

10.4. თუ დაუძლეველი ძალის გარემოებები გაგარძელდა 2 (ორი) თვეზე მეტი ხნის ვადით, ხელშეკრულების თითოეული მხარე უფლებამოსილია მოითხოვოს წინამდებარე ხელშეკრულების ვადაზე ადრე შეწყვეტა (მოშლა);

10.5. იმ შემთხვევაში, თუ ფორს-მაჟორული გარემოებების გამო მხარეები შეთანხმდებიან ხელშეკრულების პირობების შეცვლაზე, მათ შორის ხელშეკრულებით გათვალისწინებული ვადის გაგრძელებაზე, ეს გადაწყვეტილება უნდა გაფორმდეს წინამდებარე ხელშეკრულებაში ცვლილების შეტანის გზით. ამასთან, ხელშეკრულების პირობების შეცვლა უნდა მოხდეს მხოლოდ იმ დროთა და მოცულობით, რაც აუცილებელია დაუძლეველი ძალის სიტუაციით გამოწვეული პრობლემების მოგვარებისათვის;

11. სადაო საკითხების გადაწყვეტა

11.1. შემსყიდველმა და მიმწოდებელმა ყველა ღონე უნდა იხმაროს, რათა პირდაპირი მოლაპარაკებების პროცესში შეთანხმებით მოაგვარონ ყველა უთანხმოება და დავა, წარმოქმნილი მათ შორის ხელშეკრულების ან მასთან დაკავშირებული სხვა კომპონენტის ირგვლივ.

11.2. თუ ასეთი მოლაპარაკების დაწყებიდან 30 (ოცდაათი) დღის განმავლობაში შემსყიდველი და მიმწოდებელი ვერ შეძლებენ სადაო საკითხის შეთანხმებით მოგვარებას, ნებისმიერ მხარეს დავის გადაწყვეტის მიზნით შეუძლია დადგენილი წესით მიმართოს სასამართლოს;

12. გადასახადები და ბაჟები

12.1 მიმწოდებელი პასუხს აგებს საქართველოს კანონმდებლობით დადგენილი გადასახადების, მოსაკრებლების და სხვა გადასახადების გადახდაზე.

13. შეტყობინებები

13.1 შეტყობინება ხელმოწერილი უნდა იყოს გამგზავნი მხარის მიერ ან მისი სახელით, გაეგზავნოს მხარეს, რომელიც არის მისი ადრესატი და მიეწოდოს ამ მხარეს მისამართზე, რომელიც მითითებულია მეორე მხარის მისამართზე.

13.2 შეტყობინება ძალაში შედის ადრესატის მიერ მისი მიღების დღეს ან შეტყობინების ძალაში შესვლის დადგენილ დღეს.

14. სხვა პირობები

14.1. მხარეები ადასტურებენ, რომ წინამდებარე ხელშეკრულება შეესაბამება მათ მიერ გამოვლენილ ნებას და ნების გამოვლენისას მათზე რაიმე სახის ძალდატანებას ადგილი არ ჰქონია. ასევე ადასტურებენ, რომ ისინი უფლებამოსილნი არიან ხელი მოაწერონ წინამდებარე ხელშეკრულებას სწორედ აღნიშნული შინაარსით.

14.2. წინამდებარე ხელშეკრულება გაფორმებულია ქართულ ენაზე, ორ ეგზემპლარად და ყოველი ეგზემპლარის თითოეული გვერდი დამოწმებულია აჭარის ა. რ. მთავრობის აპარატის ბეჭდით. თითოეულ ეგზემპლარს გააჩნია თანაბარი იურიდიული ძალა, ხელშეკრულება იდება ორი თანაბარი იურიდიული ძალის მქონე ეგზემპლარად, თითო ეგზემპლარი ინახება ხელშეკრულების დამდებ მხარეებთან.

14.3. ხელშეკრულება ძალაში შედის, მხარეთა მიერ მისი ხელმოწერის მომენტიდან.

14.4. სხვა საკითხები, რომლებიც მოწესრიგებული არ ასრის წინამდებარე ხელშეკრულებით წესრიგდება საქართველოს სამოქალაქო კოდექსით.

15. მხარეთა რეკვიზიტები და ხელმოწერები

„მემსყიდველი“

აჭარის ა.რ. მთავრობის აპარატი

მის: ქ. ბათუმი კ. გამსახურდიას ქ. N9

ს/კ 245 424 090

აპარატის უფროსი

გონა უკუნი



„მიმწოდებელი“

ინდ. მეწარმე ნესტან შერვაშიძე

მის. ქ. ბათუმი. ბარათაშვილის ქ. 28

ს/კ 61006009446 სს „საქართველოს ბანკი“

ბ/კ BAGAGE22 ა.ა GE38BG000000720015800

ნ. შერვაშიძე

ინფორმაცია
ინტერესთა კონფლიქტის შესახებ

ქ. ბათუმი

7 აგვისტო 2017 წელი

ვადასტურებ, რომ აჭარის ავტონომიური რესპუბლიკის მთავრობის აპარატის მიერ ყვევილების თაიგულების დამზადება-მოწოდების გამარტივებულ სახელმწიფო შესყიდვის განხორციელებასთან დაკავშირებულ საქმიანობაში ჩემი მონაწილეობა არ ეწინააღმდეგება „სახელმწიფო შესყიდვის შესახებ“ საქართველოს კანონის მე-8 მუხლის მოთხოვნებს.

აჭარის ავტონომიური რესპუბლიკის
მთავრობის აპარატის უფროსი



გოჩა ჯაში